



9. april 2024

UPA2024/25-26

Najukkani aatsitassanut tunngasunik suliaqarnerit pillugit Inatsisartut inatsisaat

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat)

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siumumiit inatsisissatut siunnersuuteqartut tutsavigaagut.

Siumumiit aammaarluta Naalakkersuisunut oqaatigerusupparput kaammattuutigalugulu nunatsinni aatsitassarsiorneq nunatut aningaasarsiornitsinnut sukarsuit isumalluutitta ilagilertariaqarpaat, pisuussutitta uumaatsut ilanngullugit atorluarneratigut. Nunatsinni aatsitassanik paaaneriit atuinerillu nunatsinnut inuinnullu aningaasarsiornikkut iluaqutaanerpaasunngorlugit ingerlanneqartassammata.

Siunnersuutigineqartut amerlanertigut annikitsumik aatsitassarsiornermut suliassaqaarfimmik taagorneqartumut taanna tunngassuteqartut, siunnersuutillu aappaa saqqummiunneqartoq, najukkani aatsitassanut tunngasunik suliaqarneq pillugu inatsisissatut siunnersuutip sunniutigisaanik pisariaqartumik, aatsitassanut ikummatissanullu inatsisip annikinnerusunik allanngortinneqarnissaanut siunnersuut.

Siunnersuutip tunngaviatigut nunaqavissunut periarfissiinerusoq, kiisalu allaffissornikkut annikillisaanerussasoq, tunngaviatigut isumaqatigaarput.

Liberaliseriisoqarnissaa tunngaviatigut Siumumiit paasisinnaalluarparput aamma taperserparput. Ataasiakkaanut tunngatillugu akuersissutinik piumasaqaatit arlallit peerneqartussanngorput. Sakkunik atuinissamut killilersuinerit peerneqarniarput, aammalu sumiiffinnut arlaqarnerusunut periarfissiisoqarluni kiisalu isertitassanut killiliineq atorunnaarsinniarneqarluni.

Inatsimmi taakkartorneqartut “aatsitassat qinngornernik ulorianartunik akullit” ilanngullugit eqqarsarnartoqartipparput. Siumut isumaqarpoq sunarpiaq pineqarnerusoq inatsimmi erseqqinnerusumik allassimassasoq, tassami siammasissorujussuanngorlugi allanneqarnera malillugu isumaqariaannaamat aatsitassat nunaqavissunit iluaqutiginiarneqarsinnaanngitsut. Suna tamarmi annerusumik minnerusumilluunniit qinngorneqarmat, ujaqqat pinnerasaasiassat ilanngullutik mattunneqariaannaapput. Siusinnerusukkut maani inatsisilioratta akussaata annerpaaffissaa ilanngullugu oqaasertalerparput. Pisariaqassaaq una inatsisissaq assingusumik oqaasertalernissaa oqaluuserissallugu.

Eqqumaffigisassatut maluginiakkavut allat ilaatigut makkuupput:



- Paragraf 8 ilanngullugu ersarissumik nassuiarneqassasoq kissaatigaarput. Isumaqaratta nakkutigineqarsinnaanerinnaaluunniit apeqqusernarami, aamma tunngaviusoq annissisoqartannginnissaa illua tungaatigut qaammatini pingasuni najugaqarsimaguma pisinnaatitaaffeqarama annissinissamut, naammaginngilarput. Taamaattoq ataatsimiititaliami nalilersorluarneqarnissaa kissaatigaarput.
- Annikitsumik aatsitassarsiorneq, annertuumillu aatsitassarsiorsinnaanissamut “aporaattoqarsinnaanera” pinngitsoortinniarlugu qanoq immikkoortinneqarsinnaanissaat ilanngullugu ersarissumik oqaasertalerneqarnissaat qulaajarneqassasoq kissaatigaarput.
- Aalajangersimasumik najugaqartoq qanoq paasisasaanera, nunaqavissutut innuttaassusilittulluunniit apeqqut ersarissarneqassasoq kissaatigaarputtaaq.
- Ilanngullugu ukiuliisimanermit tunngasoq ersarissumik aamma qulaajarneqassasoq kissaatigaarput.

Inuussutissarsiornermut Aatsitassanullu ataatsimiititaliami sukumiisumik eqqartorluarneqarumaartoq innersuussutigaarput.

Qujanaq.

Lars Poulsen
Siumut